



Publicaziuns dalla vischnaunca, jamna 21

Referendum facultativ

Ils 19 d'avrel 2017 ha il cussegl da vischnaunca approbau unanimamein il rapport da gestiun ed il quen 2016. Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschiu vigur legala. Il rapport da gestiun 2016 ell'usitada fuorma stampada e ligiada vegn distribuius el decuors dallas proximas jamnas en tuttas casadas. Ulteriurs exemplars san vegnir retratgs en casa communal (stanza da publicaziun)

Suprastonza communal

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2017 – 1024.000

Sandro e Kathleen Manetsch-Maikath, Via Lucmagn 89, 7184 Curaglia; construcziun d'ina casa da habitar cun garascha sco annexa, parcella 2325, Via Vallars 1, 7186 Segnas.

Nr. 2015 – 1038.001

Ursicin Flepp, Via Raveras 7, 7180 Disentis/Mustér; baghetg annex vid la stalla sin parcella 3472, midada da project a Foppa, 7182 Cavardiras.

Uffeci da baghegiar Disentis/Mustér

Temps da vacanzas

Ein ils documents da viadi aunc valeivels?

Tgi che planisescha da passentar vacanzas egl'exteriur, vegn supplicaus d'examinar ad uras ils documents da viadi. Per l'emissiun dils documents sto vegnir quintau cun in temps da spetga d'entochen 15 dis. Nus appellein da far quella controlla, buca che las vacanzas entscheivien cun dagrettas. Per ulteriur sclariment stat il personal dall'administraziun communal bugen a Vossa disposiziun.

Administraziun communal

Vischinadi d'Acletta

Grillada da cuminonza ils 11-6-2017 sur Mumpé Medel

Invit a tuttas convischinas e tuts convischins d'Acletta a nies di da cumpignia cumbinau cun ina grillada. Nus sentupein al liug dalla grillada sur Mumpé Medel naven dallas 11.30. Per bubrondas vegn ei organisau e vegnan offeridas dil vischinadi. Per il da magliar ei mintgin sez responsabels. La carta da carrar sa vegnir retratga dalla suprastonza dil vischinadi per ina bunamana en favur dil vischinadi. Da malaura ha l'occurrenza liug el vitg da Mumpé Medel el baghetg dall'uniun da scursalar e spassegiar. Bugen retschevin nus Vossa annunzia sut la numera 079 623 22 39 ni per e-mail meinradmais-sen@bluewin.ch entochen sonda, ils 10-6-2017. Nus selegrein sin Vossa viseta e sin in beinstar da legherment.

Cordialmein envida la suprastonza dil vischinadi d'Acletta

La suprastonza



Elecziun dil niev menader digl uffeci da baghegiar

La suprastonza communal ha eligi Marco Tomaschett sco niev menader digl uffeci da baghegiar. Signur Tomaschett ha 36 onns e habitescha cun sia famiglia a Disla/Mustér. El entra l'entschatta settember 2017 en survetsch dalla vischnaunca. Marco Tomaschett ha absolviu cun success ils emprendissadis da scrinari e dessignader da construcziun aulta ed ha plinavon contonschiu la maturitad professiunala alla scola professiunala artisanala a Cuera. El banduna suenter rodund otg onns sia piazza tier l'Axpo Hydro Surselva AG per surprender naven dall'entschatta settember 2017 sia nova incarica tier la vischnaunca da Mustér. Nus selegrein sin ina fritgeivla e prospereivla collaboraziun cun Marco Tomaschett e giavischein ad el gia oz bia plascher e satisfacziun en siu niev post da lavur.

Suprastonza communal

Scola da musica Surselva

Cuors per affons pigns – onn da scola 2017/18

Nus selegrein da saver communicar las informaziuns detagliadas tier ils cuors «geniturs ed affons fan musica» sco era «ritmica per affons pigns» pil proxim onn da scola. Sche nus survegnin avunda annunzias han ils cuors liug suandontamein:

Geniturs ed affons fan musica (2–3 onns, silmeins 6 annunzias)

Liug d'instrucziun: Casa da scola Mustér
Persuna d'instrucziun: Gabriela Tambornino
Temps d'instrucziun: mesjamna, 10.15–11.05

Ritmica per affons pigns (4–5 onns, silmeins 6 annunzias)

Liug d'instrucziun: Casa da scola Mustér
Persuna d'instrucziun: Gabriela Tambornino
Temps d'instrucziun: gievgia, 14.15–15.05

8 lecziuns el semester d'atun:

Entschatta en l'jamna dils 11 da settember 2017
Finiziun en l'jamna dils 13 da november 2017
Il formular per annunziar anfleis Vus sin la homepage www.bzs-surselva.ch.

Center da formaziun Surselva CFS

Onn da scola 2017/18

Preziai geniturs, cars affons

Ils uraris da scola ed igl urari dils transports pil proxim onn da scola 2017/18 ein d'anflar naven d'immediat sin www.scoladisentis.ch. Jeu supplicheschel tutAs scolarAs da Segnas da s'annunziar cun ina foto da portret silla staziun da Mustér pigl abbonament dalla MGB.

Nus engraziein a Vus cordialmein per la buna collaboraziun durant igl onn da scola che va alla fin e giavischein bialas vacanzas da stad.

Cordials salids e sin bien seveser

nossa scola populara Mustér



Uniun fallun e cascharia Disla/Mustér

Sonda, ils 27 da matg 2017 ha puspei liug a Disla/Mustér **Il di svizzer dils mulins.**

Quei di vegn chischau, mulau e resgiau ed era il talèr vegn mess en funcziun. Ins sa secapescha era gentar tier nus. A tuts e tuttas in cordial beinvegni.

La suprastonza

Stallkino – Cinema Salaplauna

Film: «Above and below» (D/CH/USA 2015). *Donnerstag, 25. Mai 2017, Filmstart 20 Uhr*, anschliessend Filmgespräch mit dem Regisseur Nicolas Steiner, Center sursilvan d'agricultura, Disentis/Mustér. Der Film «Above and Below» porträtiert eine Handvoll Menschen, die aus der Gesellschaft ausgestiegen sind – sie leben in Abwasserkanälen, in der Wüste oder träumen vom Flug auf den Mars. Ein visuell eindrucksvoller sowie höchst menschlicher Dokumentarfilm.

Anschliessend Filmgespräch mit dem Schweizer Regisseur Nicolas Steiner. Filmstart 20 Uhr, Türöffnung 19.30 Uhr. Eintritt frei, Kollekte.

Film : «Malala – Recht auf Bildung» (D 2015). *Donnerstag, 1. Juni 2017, 19.30 Uhr* Einführung mit Yahya Hassan Bajwa, Initiant des Projektes «Living Education» in Pakistan, Filmstart 20 Uhr, anschliessend Diskussion, Center sursilvan d'agricultura, Disentis/Mustér.

Der Film «Malala» ist das mitreissende und bewegende Portrait von Malala Yousafzai, die in ihrer Heimat Pakistan von einem Schuss in den Kopf schwer verletzt wurde. Die damals 15-Jährige geriet in den Fokus der Taliban, weil sie sich für das Recht auf Bildung von Mädchen einsetzte. Sie überlebte und ist heute eine global agierende Aktivistin für das Recht von Mädchen auf Bildung.

19.30 Uhr Einführung mit Yahya Hassan Bajwa, Initiant des Projektes «Living Education» in Pakistan, Filmstart 20 Uhr, anschliessend Diskussion

Di dils utschals – Tag der Vögel

Sonntag, 28. Mai 2017, 7 bis ca. 13 Uhr/ Sumvitg-Rabius, Fortsetzung in Disentis

Vogel-Exkursion durch Wiesen, Weiden und entlang von Hecken von Sumvitg aus in Richtung Rabius. Begleitet werden wir vom ornithologischen Exkursionsleiter Thomas Bieler sowie von den Feldornithologen Sep Benedetg Candians und Jeannette Cantieni. Anschliessend begeben wir uns nach Disentis in die Salaplauna, wo wir Spannendes zu den Vögeln und ihren Geheimnissen erfahren werden.

Treffpunkt: Sumvitg, Dorfeingang Ost, unterhalb der Hauptstrasse. Exkursion: 7– ca. 9.30 Uhr, Vorträge bis ca. 13 Uhr. Exkursionsleitung: Thomas Bieler (ornithologischer Exkursionsleiter SVS/Feldornithologe), Sep Benedetg Candinas (Feldornithologe), Jeannette Cantieni (Feldornithologin). Mitnehmen: Feldstecher, wetterfeste Kleidung, Notizsachen, Zwischenverpflegung und Getränk. Anmeldung: bis Freitag, 26. Mai, 17 Uhr unter info@agricultura.ch, Tel. 081 936 48 00.

Uniun da dunnas Disentis/Mustér

Gruppa da seruschnar/termagliar

La gruppa da seruschnar/termagliar dat la caschun als affons pigns ed als geniturs da s'entupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessen plinavon era far queidas als affons da visitar pli tard la gruppa da termagliar Artgin che ha liug el medem local e nua ch'ils affons stattan persuls duas uras cun las menadras, e quei inaga ad jamna. Pils affons eis ei sco d'entrar ella tiara dalla cucagna cun massa novs termagls, e tut quei da cumpignia. Vegni e mirei, nus selegrein sin vossa viseta.



Proxima sentupada: mardis, ils 30 da matg 2017

Temps: 14.30–16.00

Liug: Casa da scola Segnas, local artgin, ella 1. alzada

Prender cun: marena e scalfins

Ulteriuras informaziuns e datums anfleis Vus sut www.uddm.ch

Cordialmein envida

Uniun da dunnas, ressort affons

Historias – Versets – Giugs da detta

Mesjamna, ils 31 da matg 2017 dallas 9.00–9.30 per mummas ed affons pigns entochen 3 onns. Cudischs accumpognan nus mintgadi e san promover il svilup da Vies affon. Durent il leger avon historias e contemplar ils maletgs sentan ils affons vischinonza, confidonza, segirtad e marvegliusadad. Vegni e tedlei versets, historias ni giugs da detta pils pigns. Tier nus anfleis Vus cudischs, films e portatuns per l'entira famiglia. Cun ils pli cars salids e sin seveser tochen gleiti.

Maxi, la tartaruga ed il team dalla Biblioteca popolare Disentis/Mustér e contuorn

Ein Projekt der Bibliomedia Schweiz und des Schweizerischen Instituts für Kinder- und Jugendmedien SIKJM in Kooperation mit Kinderärzten, Buchhandlungen und Bibliotheken.
